

## দু'টি অপ্রিয় কবিতা

ভজন সরকার

### (১) দীর্ঘ বামন

এখন সহজেই দীর্ঘকায় মানুষের মাথায়  
রাখা যায় হাত  
এখন নিজের ভারেই মানুষ হয়ে থাকে নতজানু ।  
কেননা সে জানে বেঁচে থাকা  
শুধু বেঁচে থাকতে হলেই নুয়ে আসে মাথা  
তারপর প্রতীষ্টি-যশ-খ্যাতি-ধন-দৌলত  
মোহ-মোক্ষ-স্বর্গ-নরক এ সবার বোঝা ।

এখন দীর্ঘকায় মানুষের মাথা  
ছাদ ফুঁড়ে উঠে না আকাশে  
এখন দীর্ঘকায় মানুষের জলছাপ  
মানচিত্র-ভূগোল আর ইতিহাসে নেই  
যে যতটা পারে দেখে নেয় আকাশের নীল  
এমন একান্ত ই ব্যক্তিগত হৃদয় এখন ।

সমস্ত পৃথিবী যেনো ছোট হতে হতে  
মানুষকেও করে ফেলে দীর্ঘ বামন ॥

### (২) বিনত সব বন্ধু রা আমার

আমার বন্ধু রা অনেকেই রং-তুলিতে  
আঁকেন অন্যের ছবি  
বিস্তর কাঠখড় পুড়িয়ে  
দেয়াল ফুঁড়ে টানিয়ে রাখেন  
থাক থাক শ্রদ্ধার গোলাপ  
তার নীচে লিখে রাখেন স্তব-স্ততি ।

মৌসুমী সে সব শ্রদ্ধা  
এ-ওর ঘাড়ে ছমড়ি খেয়ে পড়ে  
সুযোগ বুঝে পালটে দেন নাম  
কখনো কখনো অবনত ভাষা ॥

আমার বন্ধু রা  
যতটা সহজে লিখেন উৎসর্গ পত্র  
যতটা অনায়াস-লব্ধ হয় প্র শংসার শব্দ,  
উষর পাহাড়ের গায়ে  
ঘাড় উঁচু করা গাছে উঠে  
আকাশ ছেঁয়ার যতটা প্রয়াস তাদের  
ঠিক ততখানি ভয় ভূমিস্রবের,  
কেননা তারা জানেন শোকের গভীরতা  
এবং স্থিরতা- চড়ে থাকা গাছের ।

আমার বন্ধু রা এতই অনুগত  
যে, সব সময় পকেটে রাখেন  
একাধিক উৎসর্গ পত্র  
এবং গাছ বদলের একখানা দীর্ঘমই ॥

ভজন সরকার : কানাডা প্রবাসী কবি ও প্রকৌশলী ॥ [sarkerbk@yahoo.com](mailto:sarkerbk@yahoo.com)